




Tevdnen ja rehkenastin  
geahččaleapmi



$$\begin{array}{r} 5 \\ + 11 \\ \hline = \underline{\underline{16}} \end{array}$$

Oahpaheaddjebagadus

# Tevdnen ja rehkenastin geahččaleapmi



Vuođđorehkenastinipmárdusa árvvoštallan - matematihkageahččaleapmi  
mánáidskuvlii


**Ráhkadan dárogillii:** Svein Nymoen, Jorunn Grøholt, Annie Selle Rune  
Aigeltinger, Marit Holm

**Jorgalan sámegillii:** Liv Karin Klemetsen

**Heivehan sámegillii:** Lone Nergård Boine, Marit Inger Pulk

Almmuhuvvon jagis 2008  
dárogillii ja jagis 2024 sámegillii.

ISBN 978-82-323-0142-3



# Sisdoallu

Ovdasátni .....	5
1. Geahččaleami ulbmil.....	6
2. Ulbmiljoavku .....	6
3. Bargobihtát .....	6
4. Áigegeavaheapmi .....	6
5. Bagadus .....	6
6. Teorehtalaš duogáš.....	7
7. Árvvoštallannjuolggadusat.....	8
8. Boađusskovit .....	8
Ohppiidgehpa .....	9
Ovdamearkkat geahččaleami deavdimii ja bohtosiid olaheamis.....	18
Ovttaskasoahppi skovvi.....	31
Ovdamearka devdon skovis .....	31
Luohkkáskovvi .....	32

# Ovdasátni

Geahččaleapmi fáttmasta oahppi ipmárdusa matematihkkaoahpahasas.

*"Movt jurddašit mánát go čovdet matematihkkabihtáid?"*

*"Guđe ládje ipmirdit mánát matematihkkabihtáid?"*

Dá leat váldočuolmmat maiguin čuovvovašlbmot leat ovttasbargan sullii 5-6 jagi, ja man boadusin lea Tevdnen ja rehkenastin geahččaleapmi, mii lea mielddusin.

Dárogielat rehkenastingeahččaleami ráhkadeami ovddasvástideaddjit:

Svein Nymoén, psykologa, Torshov kompetansesenter

Jorunn Grøholt, cand.paed spec., Torshov kompetansesenter

Annie Selle, oahpaheaddji, opparbeidet

matematikkrom, Fetsund

Rune Aigeltinger, cand.paed. spec., PP-tjenesten Vestfold

Marit Holm, 1. amanueansa, instituttleder ved Institutt for spesialpedagogikk,

Universitetet i Oslo

Oslo, Golggotmánu 20. beaivvi 2008 (dárogielat veršuvdna)

Sámegielat rehkenastingeahččaleami ovddasvástideaddjit:

Lone Nergård Boine, Statped/SEAD

Marit Inger Pulk, Statped/SEAD

Áltá ja Guovdageaidnu, 2024 (sámegiel veršuvdna)

## 1. Geahččaleami ulbmil

Matematihka kártemis lea leamaš dábálaš beare garrasit deattuhit fáktáid ja gálggaid, ja unnit deattuhit dan movt oahppit ipmirdit matematihkkabihtáid čuolmmaid.

Tevdnen ja rehkenastin geahččaleamis deattuhit ipmárdusa. Ohppiid vástádusaid vuođul besset oahpaheaddjit oaidnit oahppi jurddaproseassaid, namalassii man muddui oahppi čájeha ipmárdusa go čoavdá matematihkkabihtáid.

Tevdnen ja rehkenastin geahččaleapmi lea neavvu maid sáhtta atnit árvoštallanvuodđun das movt oahppit leat fáhten matematihkkabihtá teavstta, movt sii organiserejit dieđuid ja movt čovdet rehkenastima. Bargobihtáin galget oahppit čoavdit teakstabihtáid sárguma vehkiin.

## 2. Ulbmiljoavku

Dát geahččaleapmi lea geahččaluvvon sullii 450 ohppiin 5. luohkás Norggas. Geahččaleapmi adno luohkkágeahččaleapmin, muhto dan sáhtta maid atnit unnit joavkkus, dahje ovttaskas oahppi geahččaleapmin. Dat lea oaivilduvvon adnot 5. luohkás sullii gaskamuttus skuvlajagi, muhto sáhtta muđui adnot buot ohppiide, geat leat ožžon oahpahusa dan njealji rehkenastinvuogis, namalassii buot ahkecehkiin 4. luohká rájes.

## 3. Bargobihtát

Geahččaleamis leat bargobihtát mat guoskkahit dan njealji rehkenastinvuogi. Álkes teakstabihtáin leat okta dahje eanet lađđasa, muhto das adnojit dušše olles logut, ja oktiibuot leat 13 bihtá.

## 4. Áigegeavaheapmi

Sárgun čuolbmačoavdinteknihkkan lea mángasii amas. Danin muhtun oahppit ádjánit guhkit čoavdit bihtáid, go maid livčče dahkan jus sis ovddalgihtii livčče rutiinnat dakkár bargovuogis. Danin ávžžuhit ahte ii biddjo makkárga áigemearri ohppiide. Árvoštala baicca. Geahččaladdamat leat čájehan ahte oahppit ádjánit gaskal 1 ja 1/2 skuvladiimmu.

Geahččaleamis sáhtta leat seamma buorre boađus jus juohká barggu guovtti oassái.

## 5. Bagadus

Geahččaleami čađaheamis galget oahppit čohkkát sierra. Sii dárbbasit čállinbiergasiid. Ivnnit eai dárbbahuvvo, muhto lea lohpi.

Álggat dainna ahte geahčat vuosttaš siiddu fárrolaga ohppiiguin. Čájet čielgasit ahte **olles** teaksta bohtá ovdan govassat: Álgovuolggalaš lohkodiedut, dagut ja daguid boađus.

Soames oahppit dáidet oaidnit dárbbasmeahttumin sárgut juoidá maid sii goitge ipmirdit. Muhto oahppit ožžot dieđu ahte galget dahkat dan. “Don soaittát ipmirdit dan, muhto don galggat maid oažžut vuosttašluohká oahppi ipmirdit”. Muhto sárgumat ožžot áinnas leat eanjkilat, ovdamearkka dihte lea doarvái sárgut dušše sárgáid dahje symbolaid.

Jus oahppi oalát darvána, de sáhtta áinnas veahkehit su “bálgá ala”. Dalle oahpaheaddji čállá nammalistui makkár veahki oahppi lea ožžon geahččaleamis.

Šiehtat ovddalgihtii jaskes doaimma beavdde luhtte go oahppi lea gárven geahččaleami ja dan botta go vuordá earáid geargat. Doaimmaevttohusat: Oahppi čállá logga mañemus siidui gos čállá makkár geahččaleapmi lei su mielas, liikui go dasa/ iigo liikon dasa ja manne. Jus luohkás leat oahppit geain leat lohkanváltut, de sáhttet oažžut lohkanveahki rávisolbmos sierra čiegas dahje sierra lanjas. Nubbi molssaeaktu lea ahte geahččaleapmi lohikko báddái, ja oahppi oažžu báddenrusttegiid mielde sierra latnjii gos deavdá geahččaleami.

## 6. Teorehtalaš duogáš

Mánát háhket máhtolašvuoda go konstruerejit vásáhusaid birrasis ja huksejit ipmárdusa aktiiva doaimmaid bokte. Konstruktivismmalaš jurdaga váldojurdda lea ahte olbmot konstruerejit máhtolašvuoda doaimmama, aktivitehta, jurddašallama ja reflekšuvnna bokte. Ohppiide ii geigejuvvo máhtolašvuolta, muhto sii fertejit ieža hábmet ja nuppástuhttit máhtu. Mánáid doaimmat, mat álget konkreetta vásáhusaiguin, ovdánit dađistaga mentála dásis govvádussan, mat leat luvvejuvvon fysalaš duohtavuodas. Olbmo iežas jurddamáilmmis šaddan govvadásat ovddastit vásáhusaid duohtavuodas.

Molsašuddi vásáhusat ja konkreetta doaimmat stoahkamis ja beaivválaš eallimis hábmejit vuodu matematihka vuodđodoahpágiid ovdáneapmái. Matematihkkaoahpahuš berre addit ohppiide vejolašvuoda háhkat mánggabealat, iešheanalaš vásáhusaid ja geahččaladdat fágaáššiiguin. Berre hástalit ohppiid konkreetta čuolmmaiguin ja gažaldagaiguin, main lea meinnet ja maiguin sáhttet bargat iežaset eavttuid vuodul ja reflekteret mentálalaččat.

Máhttu, mas lea ipmárdus vuodđun, darvána buorebut muitui go máhttu, man vuodđun leat ovttagat main ii leat nu olu meinnet. Kognitiivvalaš oahpahuš vuodđun lea ahte oahppit galget joksat sihke ipmárdusa ja gálggaid dain matematihkkamomeanttain, maid oahppit galget oahppat geavahit. Dakkár oahpahuš álgá konkretiseremiin, daningo konkreetta veahkkeneavvuid geavaheapmi mielddisbuktá ahte váttisvuolta sirdašuvvá visuála ja taktiillalaš hápmái, ja veahkeha čájehit matematihkkačuolmma mearkkašumi. Dađistaga oahppit sáhttet guodđit konkreettaid ja olahit máhtu abstrákta dásis maiddá sensoralaš veahkkeneavvuid haga. Oassin dán proseassas sáhtta oahppi atnit sárgumiid, govaid, sárggastusaid jna, konkreettaid sadjái. Oahppi sirdašuvvá konkreetta dásis symbolalaš dássái go dađistaga lahkonnaddá abstrákta dási. Tevdnegat ja govat addet visuála vásáhusa matematihkkabihtá sisdoalus ja nu buoridit ipmárdusa váttisvuhtii maid galgá čoavdit. Seamma ládje sáhttet oahppit tevdnegiid bokte čájehit iežaset ipmárdusa matematihkkabihtáid čoavdimii.

## 7. Árvvoštallannjuolggadusat

Vástáduskategorijat:

### A Rivttes vástádus

- Čájehan rivttes jurddaproseassa tevdnemis
- Riekta rehkenastán bihtá

### B Boasttu vástádus

#### 1. Feaila

- li leat ipmirdan bargobihtá riekta
- Boasttu lohkovástádus

#### 2. Dievasmeahtun vástádus

- li leat čájehan jurddaproseassa, dušše loahppabuktosa
- Álggos rehkenastán, dasto tevdnen

#### 3. Eahpedárkilis vástádus

- Eahpedárkilit lohkan/ipmirdan teavstta
- Lea čájehan jurddaproseassa, muhto lea eahpedárkilit dahkkon

## 8. Boađuskovit

Čuovvovaš siidduin leat skovi kopijiaoriginálat maidda deavddát Tevdnen ja rehkenastin geahččaleami bohtosiid ovttaskas oahppi nammii + skovi olles luohkkái. Mielddusin lea maid ovdamearka movt deavdit skovi.

Loahpas dán bagadusgihppagis lea Tevdnen ja rehkenastin geahččaleapmi, ja ovdamearka das movt árvvoštallat devdon geahččaleami.

# Ohppiidgihpa


Namma: \_\_\_\_\_ Luohkká: \_\_\_\_\_

Čájet oahppái movt don jurddašat go čoavddát dáid bihtáid. Dalle fertet tevdnet govaid maid 1. luohkáhas ipmirda.

Geahča dán ovdamearkka:

**Bieras leat 8 balloŋa. Álggos bávkkehít 2 balloŋa, ja de bávkkehít 3 balloŋa. Galle balloŋa báhcet Bierai?**

Tevdnen:



Vástádus: 3 balloŋa



## **Bargobihtta 1**

Eadni lea láibon 25 nisuláibbáža maid bijai breahtha ala. Son addá Ánnii, Máhttii ja Sofii 4 nisuláibbi guhtiige. Galle nisuláibbi báhcet brehttii?

Tevdnen:

Vástádus:

## **Bargobihtta 2**

Jovnnas leat 16 balloŋŋa.  
Galle báhce sutnje go attii 4 fiskes, 3 rukses ja 5 alit balloŋŋa?

Tevdnen:

Vástádus:

## **Bargobihtta 3**

Sárás leat leat 12 spáppa.

Son láhpii 7 spáppa, muhto de fas gávnna 8 spáppa.

Galle spáppa sus leat loahpas?

**Tevden:**

**Vástádu:**

## **Bargobihtta 4**

Lihtis leat 18 karamella.

Ivvár jugii alces ja 3 olbmái seamma olu guhtenai. Dasto oaččui Ivvár vel daid karamellaid mat báhce. Galle karamella oaččui Ivvár?

**Tevden:**

**Vástádu:**

## **Bargobihtta 5**

Vihhta máná čogge luopmániid.  
Juohke mánná čokkii 4 kg.  
Galle kilo luopmániid čogge oktiibuot?

**Tevdnen:**

**Vástádu:**

## **Bargobihtta 6**

Viesus leat 3 gearddi.  
Juohke gearddis leat 5 láse.  
Juohke láses leat 2 láseráiggi.  
Galle láseráiggi leat olles viesus?

**Tevdnen:**

**Vástádu:**

## **Bargobihtta 7**

Sáve lea 15 jagi boaris.

Sáve lea 3 jagi boarráseabbo go Ailu

Man boaris lea Ailu?

Ailu lea 10 jagi boarráseabbo go Eva. Man boaris lea Eva?

Tevdnen:

Vástádus:

**Sárggo boahhtevaš bihtáid nu álkin go vejolaš.**

## **Bargobihtta 8**

Stáljas leat 25 heastta.

Inger, Káre ja Ánne stellejit 4 heastta guhtege.

Dálu boanda stelle daid eará heasttaid.

Galle heastta ferte boanda stellet ieš?

Tevdnen:

Vástádus:

## **Bargobihtta 9**

Tevdne nu galle smávvaruđa ja báberruđa go dát logut čájehit:

4            35            206            634

Tevdnen:

Vástáduš:

## **Bargobihtta 10**

***Joatkke tevdnet ruđaid.***

Eadni dine 16.000 ru. mánnui.

Juohke mánu son máksá 4000 ru. viessoláiggu, 3000 ru. mánáidgárddi ja 5000 ru. eará rehkegiid.

Man ollu ruhta báhá eadnái?

Tevdnen:

Vástáduš:

## **Bargobihtta 11**

Ovllá álggii rehkenastit 3. bihtá matematiikkagirjii. Go diibmu nogai, de lei son rehkenastán gárvvisin 7. bihtá. Galle bihtá Ovllá rehkenasttii dan diimmus?

**Tevdnen:**

**Vástáduš:**

## **Bargobihtta 12**

Busse ádjána 40 minuhta vuodjit skuvlii.  
Busse vuolgá bisánanbáikkiin juohke 5. minuhta.  
Galle bisánanbáikki leat olles dan gaskkas?

**Tevdnen:**

**Vástáduš:**

## **Bargobihtta 13**

Luohkká, mas leat 28 oahppi, vulge tuvrii.

Váhnemat vuojihedje ohppiid biillaiguin maidda čáhke 5 olbmo juohke biili.

Galle biilla adnoje vai buohkat čáhke fárrui.

**Tevdnen:**

**Vástádu:**


# Ovdamearkkat geahččaleami deavdimii ja bohtosiid olaheamis

(Dát ovdamearkkat leat dušše láiddesteaddjin, ja addá dušše indikáhtora boastuvástádusain)

## Bargobihtá 1

Eadni lea láibon 25 nisuláibbáža maid bijai brehta ala. Son addá Ánnii, Máhttii ja Sofii 4 nisuláibbi guhtiige. Galle nisuláibbi báhcet brehttii?

Tevdnen:



Vástádus: 13 nisuláibbáža

A Rivttes vástádus  
Čájehan rivttes  
jurddaproseassa  
sárgumis  
Riekta  
rehkenastán bihtá




## Bargobihtá 2

Jovnnas leat 16 ballonja.

Galle báhe sutnje go attii 4 fiskes, 3 rukses ja 5 alit ballonja?

Tevdnen:



Vástádu: 4 ballonja

A Rivttes vástádu  
Čájehan rivttes  
jurddaproseassa  
sárgumis  
Riekta  
rehkenastán bihtá


## Bargobihtta 3

Sárás leat 12 spáppa.

Son láhpii 7 spáppa, muhto de fas gávnna 8 spáppa.

Galle spáppa sus leat loahpas?

Tevdnen:



Vástádu: 13 spáppa

A Rivttes vástádu

Čájehan rivttes  
jurddaproseassa  
sárgumis

Riekta  
rehkenasttán bihtá

## Bargobihtta 4


Lihtis leat 18 karamella.

Ivvár jugii alces ja 3 olbmái seamma  
olu guhtenai.

Dasto oaččui Ivvár vel daid  
karamellaid mat báhce.

Galle karamella oaččui Ivvár?

Tevdnen:



Vástádus: 0

### B Boasttu vástádus

1. Feaila:

Ipmirdan bihtá  
boastut

Boasttu  
lohkovástádus


3. Eahpedáarkil  
(šlurvebargu):

Eahpedáarkilit  
lohkan/ ipmirdan  
teavstta

## Bargobihtá 5

Vihtta máná čogge luopmániid.  
Juohke máná čokkii 4 kg.  
Galle kilo luopmániid čogge oktiibuot?

Tevdnen:



Vástádus:

20 kg

A Rivttes vástádus  
Čájehan rivttes  
jurddaproseassa  
sárgumis  
Riekta  
rehkenasttán bihtá

## Bargobihtta 6


Viesus leat 3 gearddi.

Juohke gearddis leat 5 láse.

Juohke láses leat 2 láseráiggi.

Galle láseráiggi leat olles viesus?

Tevdnen:



Vástádu: 30

A Rivttes vástádu  
Čájehan rivttes  
jurddaproseassa  
sárgumis  
Riekta  
rehkenasttán bihtá


## Bargobihtta 7

Sáve lea 15 jagi boaris.

Sáve lea 3 jagi boarráseabbo go Áilu. Man boaris lea Áilu?

Áilu lea 10 jagi boarráseabbo go Eva. Man boaris lea Eva?

Tevdnen:



**B Boasttu vástáduš**  
**3. Eahpedárkil:** Lea čájehan jurddaproseassa, muhto lea eahpedárkilit dahkkon

Vástáduš: \_\_\_\_\_

Tevdne boahhtevaš bihtáid nu álkin go vejolaš.

## Bargobihtá 8


Stáljas leat 25 heastta.

Inger, Káre ja Ánne stellejit 4 heastta guhtege.

Dálu boanda stelle daid eará heasttaid.

Galle heastta ferte boanda stellet ieš?

Tevdnen:



Vástádu: \_\_\_\_\_


A Rivttes vástádu  
Čájehan rivttes  
jurddaproseassa  
sárgumis

## Bargobihtta 9

Sárggo nu galle smávvaruđa ja báberruđa go dát logut  
čájehit:

4            35            206            634

Tevdnen:



Vástádus: \_\_\_\_\_

**B Boasttu vástádus**

**2. Dievasmeahtun:**

**li leat čájehan  
jurddaproseassa,  
dušše  
loahppabuktosa**



# Bargobihtta 10


## Joatkke tevdnet ruđaid.

Eadni dine 16.000 ru. mánnui.

Juohke mánu son máksá 4000 ru. viessoláiggu, 3000 ru. mánáidgárddi ja 5000 ru. eará rehkegiid.

Man ollu ruhta báhá eadnái?

Tevdnen:



### B Boasttu vástáduš

1. Feaila: Boasttu lohkovástáduš

2. Dievasmeahtun: li leat čájehan jurddaproseassa, dušše


loahppabuktosa

Vástáduš: 400 r.

# Bargobihtá 11

Ovllá álggii rehkenastit 3. bihtá matematiikkagirjjis. Go diibmu nogai, de lei son rehkenasttán gárvvisin 7. bihtá. Galle bihtá Ovllá rehkenasttii dan diimmus?

Tevdnen:



Vástáduš: \_\_\_\_\_

4 bihtá

## B Boasttu vástáduš

1. Feaila: Boasttu lohkovástáduš
2. Dievasmeahttu: li leat čájehan jurddaproseassa, dušše loahppabuktosa


## Bargobihtta 12

Busse ádjána 40 minuhta vuodjit skuvlii.

Busse vuolgá bisánanbáikkiin juohke 5. minuhta.

Galle bisánanbáikki leat olles dan gaskkas?

Tevdnen:



Vástáduš: 8 bisánanbáikki

A Rivttes vástáduš

Čájehan rivttes

jurddaproseassa

sárgumis

Riekta rehkenasttán

bihtá

Sihke 8 ja 9

dohkkehuvojit

## Bargobihtta 13

Luohkká, mas leat 28 oahppi, vulge tuvrii. Váhnemat vuojihedje ohppiid biillaiguin maida čáhke 5 olbmo juohke biilii. Galle biilla adnoje vai buohkat čáhke fárrui?

Tevdnen:



Vástádu: 7 biilla

A Rivttes vástádu  
Čájehan rivttes  
jurddaproseassa  
sárgumis  
Riekta  
rehkenasttán bihtá

# Ovttaskasoahppi skovvi

Oahppi \_\_\_\_\_ Luohkká \_\_\_\_\_

Skuvla \_\_\_\_\_ Beaivi \_\_\_\_\_

Vástáduskategoriija	Bargobihtát												
	1	2	3	4	5	6	7	8	9	10	11	12	13
<b>A Rivttes vástádus:</b>													
Čájehan rivttes jurddaproseassa sárgumis													
Riekta rehkenasttán bihtá sárguma ektui													
<b>B Boasttu vástádus:</b>													
<b>1. Feaila</b>													
li leat ipmirdan bargobihtá riekta													
Boasttu lohkovástádus													
<b>2. Dievasmeahttun vástádus</b>													
li leat čájehan jurddaproseassa, dušše loahppabuktosa													
Álggos rehkenasttán, dasto tevdnen													
<b>3. Eahpedárkilis vástádus</b>													
Eahpedárkilit lohkan/ ipmirdan teavstta													
Lea čájehan jurddaproseassa, muhto lea eahpedárkilit dahkkon													


# Ovdamearka devdon skovis

Oahppi \_\_\_\_\_ Luohkká \_\_\_\_\_

Skuvla \_\_\_\_\_ Beaivi \_\_\_\_\_

Vástáduskategoriijat	Bargobihtát												
	1	2	3	4	5	6	7	8	9	10	11	12	13
<b>A Rivttes vástádus:</b>													
Čájehan rivttes jurddaproseassa tevdnemis	√	√	√		√	√		√				√	√
Riekta rehkenasttán bihtá sárguma ektui	√	√	√		√	√						√	√
<b>B Boasttu vástádus:</b>													
<b>1. Feaila</b>													
li leat ipmirdan bargobihtá riekta				√									
Boasttu lohkovástádus				√						√	√		
<b>2. Dievasmeahtun vástádus</b>													
li leat čájehan jurddaproseassa, dušše loahppabuktosa									√	√	√		
Álggus rehkenasttán, dasto tevdnen													
<b>3. Eahpedárkilis vástádus</b>													
Eahpedárkilit lohkan/ ipmirdan teavstta				√									
Lea čájehan jurddaproseassa, muhto lea eahpedárkilit dahkkon							√						





*Tevdnen ja rehkenastin geahččaleami* sáhtá atnit árvvošallanvuodđun das movt oahppit leat fáhten matematihkkabihtá teavstta, movt sii organiserejit dieđuid ja movt čovdet rehkenastima. Bargobihtáin galget oahppit čoavdit teakstabihtá sárguma vehkiin.

*Tevdnen ja rehkenastin geahččaleamis* leat ohppiidgehpa + oahpaheaddjebagadus. Oahpaheaddjebagadusas lea oanehis bagadus, boadusárkkaid kopijiaoriginálat ja ovdamearkkat das movt olaha bohtosiid.

*Tevdnen ja rehkenastin geahččaleapmi* lea oaiivilduvvon adnot gasku skuvlajagi 5. ceahkis, muhto sáhtá maiddáai adnot go oahppit leat ožžon oahpahusa dan njealji rehkenastinvuogis, namalassii 4. luohkás ja bajás. Geahččaleami sáhtá čađahit juogo luohkkágeahččaleapmin dahje unnit joavkkus dahje ovttaskasohppiin. Buot oahpaheaddjit, geain lea ovddasvástádus matematihkkaoahpahussii, sáhttet hálddašit geahččaleami.

ISBN 978-82-323-0142-3

 Statped

**Sámi erenoamáš pedagogalaš doarjalus (SEAD)**